

ANTAI NGAI (PROFILE):



Ni bwanaan Te Maiu ao Te Marurung ao la kukurei ni kamauri ngkami kain Kiribati ni kabane mai Makin nako Arorae, Banaba, Te Aono n Raina ma Rawaki ao riki ai bon kain abau ae Tabuaeran. Kam na bane ni Mauri

Arau Kaotitaake, aran tamau Kokoria ao aran tinau Terauamwe. I bungiake i Tabuaeran ni kawana ae Paelau n 28th October, 1979 are nanona e nang koro 45 au ririki n te namwakaina ae Okitobwa 2024. Ngai bon kain Tabuaeran ao Tamau kain Tabuaeran, Tabiteuea, Abaiang, Beru ao Onotoa. Tinau kain Onotoa ao Nonouti. Ia tia ni iein ao aran kainnabau Bairee, tamana Beniamina ao tinana Merune ao bon kain te abamwakoro ae Nikunau ao Arorae ao iai natira aika uoman mwaitia bwa temanna te mwaane ao temanna te aine.

I moana au reirei n te moanrinan n Edmund Primary School iaon Tabuaeran ao n reita au kauarinan n te Meleang Tabai Secondary School (MTSS) iaon naba Tabuaeran. I reita au reirei n te William Goward Memorial College ao ni kabanea iai au koraki 6 ao 7. E moan reke au first degree n ana kuraa ae rietata tebetebeke (USP) inanon 2006. N 2016 ao e reke au graduate certificate n te public administration. N te ririki 2019 ao I a manga reita au reirei n ana kuura ae rietata tebetebeka ao n reke au MBA ke te Master of Business Administration.

Ia tia ni mwakuri bwa te tia reirei ngai n te KGV & EBS n te maan ae 1 te ririki ao n manga mwaing nakon te MISA ngkoa ke ni kinaaki n arana ngkai ae te Ministry of Culture & Internal Affairs. Ia tia ni mwakuri n te MCIA inanon te maan ae raka iaon 15 te ririki n ana divisions aika te Rural Planning Division bwa te Deputy Director are e reke naba au tai n tararuaia inanon te ririki aika 2015 nakon 2017. te Culture and Museum Division are I tararuaia inanon tabeua te namwakaina ao ai te administration Division are I a riki iai bwa te kateniman n Tia Koroboki ao n reke naba au tai n tararuaa te MCIA. Inanon au tai ni mwakuri n te MCIA ao ia tia n iriri taian workshops ma trainings ao boowi ake a karaoaki itinanikun Kiribati.

N te tai aio ao I karabwaia kain au abamwakoro ae Tabuaeran ibukin te onimakinaki are anganai n te tai aio bwa n na riki bwa temanna aia tabonibai ae mangori nakon ana Maneaba ni Maungatabu Kiribati.

Ti na bane n tekeraoi, ma iriara n taainako Ana Bau Kiribati are Te Mauri, Te Raoi ao Te Tabomoa.

Kaotitaake Kokoria
Phone: 73059365



Te kouru ae rababa (vision):

E na riki Kiribati ba te aba ae a marurung raoi kaina ma ni mwamwakuri.

Karaoan te mwakuri (mission):

Kamwaitaki te reirei ao te kataneiai iaon te katei ao ana taeka te Uea nakoia te botanaomata, ni moa man te mwenga ao tabo n reirei ba ana rabakau ni kawakin marurungin rabataia ao ni kabatiaki kiriniki ao tienta n te mauri ao katoki aoraki aika a toamau iaon Abamwakoro ni kabane.

Aroaro ma Anua (Values):

1. Te Atua bon te maiu ao te marurung ni koaua.
2. E na taetaekinaki te eti ao te koaua.
3. Ti na karineira ma raora ao kaain rarikira.
4. E na marurung te rabata ao te tamnei.
5. Kawakina raoi am tai ao marurungim.

Reitaki ma te botanaomata (community engagement plan):

Iai te maroro ae eatia n karaoaki ma te botanaomata ae a tia n karaoia Taan Tei ibukin barongan ao katabwaninan raoi te motinnano aio. Akea au raraoma ba te motinnano aio e bane n tobwai aia kainano ara botanaomata ake a tangiria ba e na rinnako n te moti n nano. E kakawaki te reitaki ma bootaki aika a kakaokoro ngkai bon ngaiia taan boutoka ana waaki te tautaeka n irekereke ma rikiraken te aroaro ma te maeuraoi.

Karekemwane aika a kakawaki:

1. Kataboroa te raitienti iaon te akawa.
2. Kabuburan te angabwai iaon te bakabwai nakoia ake e raka aia bakabwai iaon te maiti ae \$30,000 n te ririki.
3. Karaka te Value Added Tax (VAT) nakon 15% ba e na ibuobuoki nakon te karekemwane.
4. Kabubura te angabwai iaon iokinibwai ake ana kabarekarekaa te otabwanin ao n rota marurungin te botanaomata.
5. E na ibuobuoki te mwane n Tania nakon kabaerantan te kataumwane ao ni buokii mwanenakin karikirake.
6. Ritinakin abara ake n te aono n Raina ao Rawaki ba e na kaunga naba rokoia bitineti ao ake a kaubwai ni buoka rikiraken abara.

Kabanemwane:

1. E na kamarurungaki te katei ao te aroraro ae Tamaroa n te mwenga, reirei ao n tabo nako.
2. E na kaungaaki te takakaro ni kabuta Kiribati ni moa mai rouia ataei nakoia ikawai.

3. E na kabatiaki bwaai n takakaro ao te reirei ma te kataneiai n rabakau ao tuan takakaro aika a boou, ao takakaron abara.
4. Ana karekeaki Tua ao ni kamatoaki n tararua te itiaki man te mwenga, te reirei, ao ana tabo te botanaomata.
5. E na kaungaaki te ununiki ni katoa mwenga te I-Kiribati ibukin kanakin amarake aika a baeranti ao ni kamarurung.
6. E na katabuaki te mooii manging, kaokioki ao te yaqona nakoia ataein te reirei.
7. E na kabatiaki te iokinibwai ao karaobwai man kaubwaira ae te ni ao te ben ao a mwaiti riki.
8. Ana karekeaki bwaai ni kamarurung nakoia te botanaomata ao ni kateaki n ana tabo te botanaomata.
9. E na kabatiaaki te ran ae e itiaki ao e mam ibukin te mooii ao te ununiki ao n raonaki ma kainnako tinaniku aika a itiaki.
10. E na kaungaaki te user pay system n angaraoina ibukin kateimatoan raoiroin te buoka ao te tiweti.
11. E na kabatiaki te taura ke te ota ae e reke man taai ao tabeua riki.
12. Kabirimwakaan bwaai n itoman ao n reitaki aika a tamaroa riki aika tawe.
13. Kabatian te reirei ao te kataneiai nakoia Bureitiman ma taan tararua te kawai, ao te rau ma te mweraoi iaon Kiribati.
14. Kateimatoa te ibuobuoki nakon te Botaki ni Kabowi n te reirei ao te kataneiai.
15. Kabatian te mwane n ibuobuoki man aban tinaniku ni buoka te rikirake.
16. Kateimatoan te reitaki ae raoiroi imarenan te Tautaeka, Botakin Aaro ao Communities ibukin kabatian te kaitiaki ao te rikirake.
17. Katamaroan ara Tua aika a bwai ni kawai.